



Vschinauncha da S-chanf
7525 S-chanf



Radunanza cumünela

Bannida / Missiva

per la radunanza cumünela in marculdi, ils 29 avuost 2018 a las 20.00 sül palc da la sela polivalenta S-chanf

Stimedas votantas e stimos votants,

La suprastanza cumünela suottametta cotres la bannida e la missiva per la radunanza cumünela dals 29 avuost 2018 ed invida amiaivelmaing da piglier part a quella.

Tractandas:

1. Protocol da la radunanza cummünela dals 20 gün 2018*
2. Revisa parziela da la constituziun cumünela – art. 59 fin*
3. Orientaziun - ledscha davart l'organisaziun e l'administraziun da l'ouvra electrica cumünela (ledscha OE)*
4. Revisa da la ledscha da sunteri e da funarels *
5. Varia

***La documainta per las tractandas sto ad invista/po gnir retratta tar l'administraziun cumünela u es visibla sün l'internet suot: www.s-chanf.ch**

DEUTSCHER TEXT: BÜCHLEIN BITTE WENDEN

1. Protocol*

Il protocol da la radunanza cumünela dals 20 gën 2018 po gnir retrat tar l'administraziun cumünela u es visibel sün l'internet suot: www.s-chanf.ch.

2. Revaia parziela da la constituziun cumünela – art. 59 fin*

Situaziun da partenza:

A la votaziun a l'urna dals 04 marz 2018 haun las votantas e'ls votants aderieu al concept da forz'electricca 2020 e l'acceptaziun da la rait d'avent dals 01. october 2020 cun üna quota da vuscher d' 84%.

Per pudair fer pü svelt pussibel las lavuors preparatorias per üna fundaziun da l'OE, ho la suprastanza cumünela nomino üna grupp da lavur. Ils commembers da quista grupp da lavur Curdin Barblan (presidi), Liun Quadri e Gianni Largiadèr haun insembel cul giurist Fabrizio Visinoni e cul electroing. Arthur Brüniger evaluo diversas fuormas giuridicas per üna fundaziun da l'OE S-chanf e propuonan da mner l'OE scu intrapraisa publica dependenta. La suprastanza cumünela sustegna quista proposta da la grupp da lavur. Per avair üna basa leghela es da piglier sü ün nouv artichel (art. 59 fin) illa constituziun cumünela. La revaia da la constituziun suottasto a la votaziun a l'urna (constituziun art. 31)

4. Gestions cumünelas cun administraziun separeda

Art. 59 fin

Noziun ed administraziun

¹*La vschinauncha maina las seguintas gestions publicas dependentas:*

1. L'ouvra electricca

²*L'organisaziun e las cumpetenzas finanzielas da las instituziuns respectivas resultan da las ledschas correspondentas*

Proposta:

La suprastanza cumünela propuona a la radunanza cumünela d'appruver la revaia parziela, art. 59 fin, in occasiun da la votaziun a l'urna dals 23 settember 2018.

3. Orientaziun - ledscha davart l'organisaziun e l'administraziun da l'ouvra electricca cumünela (Ledscha OE)*

Situaziun da partenza:

La grupp da lavur incumbenzeda ho elavuro ün sböz da ledscha a maun da la suprastanza cumünela. Per la radunanza cumünela dals 24 october 2018 es previs da tractander e da decider sur da la ledscha da l'OE.

4. Revaisa da la ledscha da sunteri e da funarels*

Situaziun da partenza:

La cumischiun „revaisa da la constituziun, da las ledschas ed dals uordens da la vschinauncha da S-chanf“ ho elavuro üna revaisa totela da la ledscha da sunteri e da funarels. La cumischiun suottametta cotres üna revaisa cun adattamaints redacziunels e pitschens müdamaints.

Proposta:

La cumischiun propuona d’approver la revaisa da la ledscha da sunteri e da funarels.

La suprastanza cumünela sustegna quista proposta unanim.

S-chanf, ils 14.08.2018

La suprastanza cumünela

Il president: G. Largiadèr

L’actuar: G.L. Vitalini

